

Relaciona cu asunto di parasol ariba beach

Radisson ta perde caso contra Gobierno



ORANJESTAD-

Ayera mainta Corte den Prome Instancia a dicta sentencia den e caso LAR cu Radisson Aruba Resort & Casino (Radisson) a cuminsa contra Gobierno. E caso ta relaciona cu e situacion fastioso riba beach na Radisson.

Bon Dia Aruba den combersacion cu abogadoan di Radisson, esta mr. Steward y mr. Crouch por a compronde cu aña pasa caba Radisson a cuminsa un caso sumario riba e mesun asunto aki caminda Hues di Corte den Prome Instancia a rechasa nan demanda.

Mirando cu e situacion ta sigui perhudica e hotel, e abogadoan a dicidi di manda un carta pa tanto minister di Husticia y minister di Turismo, mustrandu riba e situacion y a pidi e mandatarionan pa actua mas severo contra e dos companianan di watersport eynan, cu ta huur stoelnan y parasol sin cu tin permiso pa esaki. Door cu Gobierno no a haci nada, segun ley di LAR por cuminsa un caso y esey ta loke Radisson a haci.

Tratamento di e caso aki a tuma luga algun siman pasa y Hues a palabra cu ayera tin sentencia.

Ley ta prohibi parasol y stoel

Hues den su sentencia ta



mostru cu Radisson a cuminsa un contra Gobierno pa no a tuma medidanan mas severo contra e companianan.

Durante tratamento di e caso a bin sali na cla cu regularmente e companianan di watersport, cu ta riba e beach caminda Radisson ta estableci, ta haya boet pasobra nan ta viola e ley pa cu ponemento di stoel y parasol. E pregunta ta avor si Radisson por spera cu lo actua mas severo, den sentido di kita e parasolnan y stoelnan di e companianan di watersport.

Hues a mostra cu segun ley, empleadonan di Gobierno cu ta autorisa por uza man duro y esaki riba gasto di e companianan di watersport, o sea ora mester kita parasolnan y stoelnan cu ta contra di ley pone riba beach. Esaki pasobra e companianan di watersport no tin permiso pa haci

esaki. E ley tambe ta bisa cu no por actua di bialha tanten cu no a duna un aviso por escrito na e companianan di watersport.

Hues a mostra tambe cu segun un otro ley (Richtlijn ruimtelijke inrichting stranden) (RRIS), ta prohibi di huur parasol y stoel of pone esakinan den forma di reserva pasobra e ley ta bisa cu e beach ta publico y mester tin manera pa cana y pasa liber. E ley tambe ta bisa cu tin un of dos permiso duna pa pone stoelnan a base comercial. Tur hende ta liber pa bay cu su mesun stoel y bay sinta bou di e parasol of palapa.

No por actua severo

Hues ta mostra cu e sentencia di e caso sumario entre Radisson y e companianan di watersport, Corte ta mostra cu Radisson tambe ta uzando algun palapa cu no ta cay riba



e tereno di Radisson sino riba e parti publico caminda tur henter por bay bou di esakinan.

Hues den e caso LAR ta comparti e punto di bista aki y ta mostra cu Radisson ta huur stoelnan y koeler bao di esakinan y esaki Hues ta considera violacion di e ley cu ta papia di reserva espacio.

Na opinion di Hues, avor cu Radisson, mester cu e dos companianan di watersport,

sin e permiso necesario ta huur stoelnan y parasol/palapa, no por spera cu Gobierno ta bay actua mas severo contra e companianan di watersport.

Decision

Hues su decision den e caso aki ta cu e ta rechasa e peticion di Radisson. Bon Dia Aruba por a compronde cu den e tipo di caso aki, no ta existi oportunidad pa apela y como tal e sentencia ta keda asina. □



SIDEBAR

BISTROT ARUBA

GOURMET BURGERS & BARREL AGED COCKTAILS

- DAILY SPECIALS
- FREE & AMPLE PARKING
- 6 FLAT SCREENS
- BARREL AGED COCKTAILS

- FREE WIFI
- 6 ICE-COLD DRAFT BEERS
- KIDS MENU & KIDS CORNER
- ARUBA'S LARGEST BOURBON SELECTION

OPEN DAILY:

SUNDAY - THURSDAY FROM 8:00 AM - MIDNIGHT

FRIDAY & SATURDAY FROM 8:00 AM - 1:00 AM

LOCATED AT RENAISSANCE (SEAPORT) MARKETPLACE ACROSS THE OCEAN SUITES | DOWNTOWN ORANJESTAD

L.O. SMITH BOULEVARD 9, ORANJESTAD, ARUBA | TEL. +297 588 6511 | INFO@SIDEBARARUBA.COM

WWW.SIDEBARARUBA.COM